

17.08.2018.



Ministar za privredu BPK Goražde Anes Salman danas je potpisao ugovore s predstavnicima privrednih subjekata kojima su odobrena finansijska sredstva po Programu podrške privatnim preduzećima i poduzetnicima na području BPK Goražde za 2018.godinu, a saglasnost za potpisivanje ovih ugovora dala je Vlada BPK Goražde.

Sredstva za sufinansiranje projekata u iznosu od 127.000,00 KM odobrena su za deset privrednih subjekata, kojima će se na ovaj način omogućiti da dalje razvijaju svoje poslovanje i rade na stvaranju boljeg poslovnog ambijenta i uvjeta za novo upošljavanje.

